

洩彈琴須要遇知音

香烟偶結成雲

金鴨香濃篆瑞烟山移雲片畫堂前飄空未有閒停意繞案幾
忘欲斷涎聚散一時風作態升沉幾縷火爲緣寧同出岫無心
侶隔住銀河障月圓

雁

鴻雁初辭關塞忙飛來已過楚瀟湘一聲叫月銀河冷兩翼凌
風荻渚香聊卜平柯棲信宿慣傳芳訊自他鄉更觀擺得青天
字惱說金釵十二行

蠟梅

道藏輯要

呂帝詩集

畜

室集六

老幹生花歲欲除風流不似舊西湖九天色相黃金闕一樹菩
提蜜臘珠未向簷前驚漢主卻從菊後據江都小盃移置神仙
側領取寒香入藥爐

海上遊

閒從海上寄遨遊一葦凌風勝巨舟水色忽搖波底日濤光斜
映島中樓半天雲落三山塔萬里烟橫五老洲憑眺幾番雙眼
濶長吟破浪返丹邱

冬夜即事

三杯客散洞庭幽帶醉攜琴跨鶴遊千里凍雲埋斷塔一聲寒
雁送歸舟滄江寂寞魚龍冷野徑荒涼草木休放眼不知時序

換春風猶自在心頭

贈左玄長史

不到今來便識荆水壺秋月照春晴丹經有象方爲火琴到無
弦更是聲風雨一簾開倦眼竹松半壁寫幽情洞中景物超然
別肯向人間設所生

贈道旁苦人

知君懷璧因柴荆門外花開一徑晴好客相邀傳道訣奇文高
唱擲金聲燒殘短燭窮經夜踏遍名山勒馬情莫把靈聰閒裏
用精魂石上悞三生

贈外科醫生

道藏輯要

呂帝詩集

奎

室集六

華老當年振漢荆將軍祖餞曉山晴因療關臂傳奇技還劈曹
顛播遠聲一粒金丹千載行半匙水飲萬方情於何偷得青囊
法恰向人間決死生

贈內科醫生

莫嘆相逢棘與荆春來別是一番晴閒遊芳草山稜色醉臥滄
江鳥咽聲道入膏盲尋妙手仙爲盧扁慰幽情多緣曾作雲深
客流落江南憶往生

贈半舫居士

閒過名園叩野荆闌干倚遍雨初晴桃花水上魚兒影楊柳風
前燕子聲愧我才非徐孺匹感君酒達孔融情挑燈一話當年